

SCOTS WHAE HAE



TRUE TALES
O SCOTTISH
HISTORY!



BRAVERY!



JEALOUSIE!



GENIE!

THE BATTLE O BANNOCKBURN

ON THE 23RD AND 24TH O JUNE, 1314, THE AIRMIES O SCOTLAND AND ENGLAND MET ON THE FIELD O BANNOCKBURN JIST OOTSIDE STIRLIN...

Robert the Bruce

SCOTS WHA HAE*...

Stirlin Castle

ROBERT BRUCE, KING O SCOTS, IS HAEIN A WEE WORD WI HIS MEN AFORE THE BATTLE.

DANDRUFF?

drookit

The Bannock Burn

* SCOTS WHA HAE IS A FAMOUS POEM WRITTEN MONY YEARS AFTER THE BATTLE O BANNOCKBURN BY THE POET ROBERT BURNS. IT SIMPLY MEANS 'SCOTS WHO HAVE'.

I DINNAE HAE DANDRUFF! NOO, LISTEN. SCOTS WHA HAE...

CHIPS? HIV WE GOT CHIPS?

GIE'S A SINGIL FISH. MORAY, WHIT YE WAANTIN?

PIZZA SUPPER. PICKLED INGAN. BOTTLE O GINGER.

SCOTS WHA HAE WI WALLACE BLED, SCOTS WHAM BRUCE HAS AFTEN LED, WELCOME TAE YER GORY BED, OR TAE VICTORY!

OH, THAT.

WHIT HAPPENED TAE MA CHIPS?

KING EDWARD'S AIRMY
HAD MAIRCHED AW THE
WEY FAE BERWICK TAE
BANNOCKBURN.

DOUGLAS, AWA
AND SEE HOW BIG
THAT ENGLISH AIRMY
IS, WID YE?

RICHT YE
ARE, BOSS.

ROBERT THE BRUCE HAD 5,000 MEN,
BUT THE ENGLISH KING HAD BROCHT
25,000 SODGERS, KNIGHTS AND
AIRCHERS WI HIM.

OH HERE,
YE'VE GOT TAE
BE KIDDIN.

WEEL?

THERE'S THOUSANDS O THEM,
BOSS! HELP! MAMMY-DADDY!
WE'RE GONNAE GET MURDERED!

BUT KING ROBERT KEPT THE HEID. HE KENT THE SCOTS
WERE OOTNUMBERED BUT HE COULD SEE THE ENGLISH
SODGERS WERE OWER KEEN TAE ATTACK -
THEY WERENAE DAEIN WHIT THEY WERE TELT.

WAN O THE ENGLISH KNIGHTS THAT DEFINITELY DIDNAE
DAE WHIT HE WIS Telt WIS SIR HENRY DE BOHUN.

HO HO, THERE'S
THE SCOTTISH KING.
HE'LL SOON BE BROWN
BREAD - DEAD!

DE BOHUN SUDDENLY
CHAIRGED AT KING ROBERT.

IN THAE DAYS,
KINGS USUALLY
KEPT THEMSELVES
SAFE IN BATTLE.
BUT KING ROBERT
WISNAE LIKE
ITHER KINGS.
INSTEID HE
CHAIRGED AT
HENRY DE BOHUN.

BROWN
BREAD - DEAD!

GIDDY-UP,
PILKINGTON!*

* WE DINNAE REALLY KEN THE NAME O BRUCE'S HORSE. BUT THE STATUE O ROBERT BRUCE THAT STAINS THE DAY NEAR
THE BANNOCKBURN VISITOR CENTRE WIS MADE IN 1964 BY SCULPTOR CHARLES PILKINGTON-JACKSON.

broon breid - deid


DOOF!

BRUCE'S PERSONAL
BRAVERY INSPIRED
THE SCOTS AND GIED
THEM COURAGE TAE
TAK ON THE MASSIVE
ENGLISH ARMY.

AT THE END O FIRST DAY O BATTLE, THE ENGLISH KNIGHTS AND SODGERS HAD TAE SLEEP ON A BOGGY, MARSHY BIT O GRUND ON THE ITHER SIDE O THE BANNOCK BURN.



AW THE NEXT DAY - THE 24TH O JUNE 1314 - THE SCOTS STOOD STRANG AGAINST THE MUCKLE ENGLISH ARMY.



THE SCOTS WON THE DAY. THE ENGLISH KING WENT HAME. ROBERT THE BRUCE AND HIS MEN HAD SAVED SCOTLAND.



YOU CAN LEARN MAIR ABOUT ROBERT THE BRUCE'S FAMOUS VICTORY AT THE BATTLE O BANNOCKBURN VISITORS' CENTRE IN STIRLIN.



MARY QUEEN O SCOTS



IT CAM WI A LASS...

MARY QUEEN O SCOTS WIS BORN AT LINLITHGOW PALACE ON 8TH DECEMBER 1542 AND BECAME QUEEN SIX DAYS LATER.



royal wean

GOO-GOO.

Mary Queen o Scots

MON PETIT BOUT DE CHOU!

MA WEE SASSIDGE!



Mary's Maw wis French

Mary o Guise

IT CAM WI A LASS AND IT WILL GANG WI A LASS.



dropped doon deid

James V, Mary's Da

IT IS SAID THAT MARY'S FATHER JAMES V, UNHAPPY HIS BAIRN WIS A GIRL AND NO A BOY, DEE'D HAIVERIN THAT THE STEWART ROYAL LINE WIS GONNAE END WI MARY.



Henry VIII

FIVE YEAR AULD MARY LEAVES SCOTLAND FOR FRANCE.

THE ENGLISH KING HENRY VIII HAD WANTIT MARY TAE MAIRRY HIS SON BUT THE SCOTS LORDS DIDNAE THINK THAT WIS A GUID IDEA.



MAIRRY MA SON. OR ELSE!

BYE BYE, SCOTLAND. CHEERIO!

THE ENGLISH KING WIS BEALIN. HE SENT HIS ARMY NORTH TAE CAPTURE HER BUT TAE KEEP HER SAFE, MARY WIS SENT TAE STEY WI HER GRANNIE IN FRANCE.

MARY - QUEEN O TWA COUNTRIES.

MARY SPENT MONY HAPPY YEARS IN FRANCE AND MAIRRIED THE FRENCH KING'S SON FRANCOIS. WHEN SHE WIS 16, MARY QUEEN O SCOTS BECAME QUEEN O FRANCE AND SCOTLAND AT THE SAME TIME.



J'AILES OREILLES EN FEU.

I'VE GOT AN AFFY SAIR LUG.

MON PAUVRE CHERI.

MA PUIR DARLIN.

IT WIS AW GAUN WEEL... UNTIL HER YOUNG HUSBAND KING FRANCOIS II GOT AN EAR INFECTION AND DEE'D. WI FRANCOIS DEID, MARY HAD TAE GO BACK TAE SCOTLAND.

MARY RETURNS TAE SCOTLAND.


WHEN MARY LEFT IN 1548, SCOTLAND WIS A CATHOLIC COUNTRY. WHEN SHE CAME HAME AGAIN IN 1561, THE REFORMATION HAD TURNED SCOTLAND INTAE A PROTESTANT NATION.

John Knox

WHA DOES SHE THINK SHE IS?

crabbit mannie

REFORMER JOHN KNOX DIDNAE WANT MARY TAE BE QUEEN.



MARY - TAP QUEEN.

MARY WIS A GUID RULER AND DID HER BEST TAE LOOK EFTER HER PEOPLE.

THAT THE QUEEN AGAIN?

GAUN YERSEL, MARY!

AYE, SHE'S SOME WUMMAN!

MARY WIS A BUSY MONARCH AND TRAIVELLED AROUND SCOTLAND ON HORSEBACK.



BUT MARY'S LIFE WISNAE EASY...

FIRST HER ITALIAN SECRETARY DAVID RIZZIO WIS STABBED TAE DAITH BY CONSPIRATORS AT HOLYROOD PALACE.

MAMA MIA!

BOOM!

AND HER SECOND HUSBAND, LORD DARNLEY, WIS FOOND DEID IN THE GARDEN O AN EDINBURGH HOOSE THAT MYSTERIOUSLY GOT BLAWN UP.



MARY ESCAPES FAE LOCH LEVEN CASTLE.

MARY'S THIRD HUSBAND, BOTHWELL, WIS BAD NEWS. MARY AND HER NEW MAN FELL OOT WI THE SCOTS LORDS AND THEY PIT HER IN PRISON IN A CASTLE IN THE MIDDLE O A LOCH.

HERE, MA GUID FROCK'S AW DROOKIT.

GONNAE WHEESHT, YER MAJESTY!

BUT WI THE HELP O A YOUNG MAN CAWED WILLIE DOUGLAS, MARY ESCAPED.

MARY QUEEN O SCOTS GOT HER HEID CHAPPED AFF.

EFTER MAIR TROUBLE IN SCOTLAND, MARY TURNED TAE HER COUSIN, QUEEN ELIZABETH O ENGLAND, FOR HELP.

BUT INSTEAD O HELPIN HER, ELIZABETH PIT MARY IN PRISON AND 19 LANG YEARS LATER IN 1587, ELIZABETH ORDERED MARY TAE BE EXECUTED.

EFTER MARY'S EXECUTION, HER WEE DOG LOWPED OOT O HER SKIRT'S, LOOKIN FOR THE QUEEN O SCOTS.

THE UNION O THE CROONS.

MARY DIDNAE BECOME QUEEN O ENGLAND HERSEL BUT HER SON JAMES DID. AWREADY KING O SCOTLAND, IN 1603 JAMES WIS CROONED KING O ENGLAND AS WEEL.

awfie pleased wi himsel

James VI & I

MARY'S LIFE WIS ROMANTIC AND DRAMATIC AND HERS IS ANE O THE MAIST FAMOUS STORIES IN THE LANG HISTORY O SCOTLAND.

GREAT SCOTS

JAMES WATT (1736 - 1819)
ENGINEER FAE GREENOCK

JAMES WATT'S IMPROVEMENTS TAE THE STEAM ENGINE CHYNGED THE WARLD.

A UNIT O ELECTRICITY IS NAMED EFTER JAMES WATT. HIS SURNAME 'WATT' IS ON JIST ABOUT EVERY LICHTBULB ON THE PLANET.

THEY HAUD ME IN GREAT E-STEAM!

MARY SOMERVILLE (1780 - 1872)
MATHEMATICIAN FAE JEDBURGH

YE CAN ALWAYS COONT ON ME!

MARY SOMERVILLE WIS ANE O THE WARLD'S GREATEST THINKERS. A MATHEMATICIAN AND ASTRONOMER, SHE INFLUENCED THOOSANDS O SCIENTISTS.

MARY SOMERVILLE IS ON THE ROYAL BANK O SCOTLAND £10 NOTE. SHE'S EVEN GOT A CRATER ON THE MOON NAMED EFTER HER.

ALEXANDER GRAHAM BELL (1847 - 1922)
INVENTOR FAE EDINBURGH

IN 1876, ALEXANDER GRAHAM BELL PATENTED THE TELEPHONE. HIS INVENTION FOREVER CHYNGED THE WEY WE COMMUNICATE WI EACH ITHER.

GIE'S A BELL!

BELL'S FATHER AND BRITHER WERE BAITH DEEF. IT WIS HIS DESIRE TAE HELP HIS FAIMLY THAT LED HIM TAE INVENT THE TELEPHONE.

WILLIAMINA FLEMING (1857 - 1911)
ASTRONOMER FAE DUNDEE

WILLIAMINA FLEMING CLASSIFIED THOOSANDS O STARS AT THE HARVARD COLLEGE OBSERVATORY.

SHE DISCOVERED THE HORSEHEID NEBULA IN THE CONSTELLATION O ORION.

LOOK AT AA THAE STARS!



THE FLEMING CRATER ON THE MOON IS NAMED EFTER HER. (IT'S NAMED EFTER HER FAMOUS NAMESAKE ALEXANDER AND AW.)

ALEXANDER FLEMING (1881 - 1955)
BACTERIOLOGIST FAE DARVEL

ALEXANDER FLEMING NOTICED WAN DAY THE DANGEROUS BACTERIA HE'D BEEN STUDYIN IN HIS LAB WIS DEID. HE WANTED TAE KEN WHY. HE REALISED SOME MOULD HAD GOT INTAE THE BACTERIA BY ACCIDENT AND KILLED IT. HE CAWED THE MOULD PENICILLIN.

HERE, THIS TEST TUBE'S AW FOOSTIE!



ALEXANDER FLEMING'S DISCOVERY O PENCILLIN SAVED THE LIVES O MILLIONS O PEOPLE. HE WON A NOBEL PRIZE AND STREETS AND SQUARES AW OWER THE WORLD ARE NAMED EFTER HIM.

DOLLY THE SHEEP (1996 - 2003)
CLONED SHEEP FAE THE ROSLIN INSTITUTE

DOLLY THE SHEEP WIS CLONED FAE A CELL TAEN FAE ANITHER SHEEP.

THAE SCIENTISTS DID NO BAA-AAA-AAD.

IT WIS BIOLOGISTS KEITH CAMPBELL AND IAN WILMUT THAT WORKED OOT HOW TAE CLONE HER.

DOLLY IS THE WORLD'S MAIST FAMOUS SHEEP. WHEN SHE DEE'D, HER BODY WIS PIT ON DISPLAY AT THE NATIONAL MUSEUM O SCOTLAND.

